



Hardanger og Voss museum
Hardanger folkemuseum
5778 UTNE

Dato: 24.11.2015
Vår ref.: 2015/2774-112
Saksbehandlar: anethom
Dykkar ref.:

Søknad om stønad til ålmenne kulturføremål – Skautfelling

Vi viser til søknaden dykkar om tilskot til ålmenne kulturføremål hausten 2015.

Hordaland fylkeskommune, *Utval for kultur, idrett og regional utvikling*, har i møte 11.11.15, politisk sak 175/15, vedteke å tildele dykk 10 000 kroner i tilskot.

Grunngjeving

Ved søknadsfristen 1. oktober var det kome inn 55 søknader. Samla søkesum var omlag 1,2 millionar kroner. Det har vore 1 030 000 kroner til fordeling under Ålmenne kulturføremål i 2015, Kultur- og ressursutvalet tildelte 633 000 kroner i vår, og det sto såleis att 397 000 kroner til fordeling no.

Retningsliner vart vedteke i *Kultur- og ressursutvalet* 22.01.2015, sak 13. Innan denne ordninga ligg stønadssummen oftast mellom 8000 og 30 000 kroner.

Med avgrensa midlar har det vore naudsynt å prioritere strengt, og prioriteringa har vore gjort med utgangspunkt i føremålet for ordninga og kriteria fastsett i vedtekne retningsliner.

For oversikt og meir utfyllande informasjon sjå saksframlegg med vedlegg.
Fylkesrådmannen sitt forslag vart samrøystes vedteke.

Vilkår for tilskotet

Tildelinga byggjer på følgjande føresetnadar:

- Tiltaket skal gjennomførast på den måten og i det tidsrom som går fram av søknaden.
- Gjennom aktivitetar, informasjonsmateriale m.m. skal det synleggjerast at Hordaland fylkeskommune er tilskotsgjevar. For bruk av fylkesvåpenet gå inn på nettsida <http://www.hordaland.no/logo>
- Tilsegnsmottakar skal rapportere og sende inn rekneskap i samsvar med nedenfor nemnte punkt og medverke til eventuell kontroll.
- Det er ein føresetnad når det gjeld publikumsretta tiltak at tilsegnsmottakar aksepterer og nyttar ordninga med følgjekort for funksjonshemma. Funksjonshemma som kjøper billett skal ha rett til gratis billett til sitt følgje.

Utbetaling

Krav om elektronisk faktura i EHF-format frå 1. januar 2015.

Vi viser til krav som går fram av den reviderte forskrifta om IT-standard i offentlig forvaltning som regjeringa har vedtatt. Leverandørar til kommunar og fylkeskommunar vert pålagde å sende elektroniske faktura og kreditnota på standardformatet EHF frå 1. januar 2015.

Tilskotsmottakar vert i denne samanheng definert som Leverandør då dette er ei utbetaling.

For tilskotsmottakarar utan organisasjonsnummer samt enkeltmannsføretak, vert utbetaling som tidlegare.

For utbetaling av tilskot, må de sende ein elektronisk faktura (EHF) til Hordaland fylkeskommune. Dette kan gjerast på to måtar:

For tilskotsmottakarar med eige fakturasystem, opprett ein EHF-faktura i og merk fakturaen med *saksnummer* og *ressursnummer*.

For tilskotsmottakarar utan eige fakturasystem, men med organisasjonsnummer, opprett ein brukar og send EHF-faktura via fakturaportalen Basware Supplier Portal (gratis).

Ved bruk av portal skal *saksnummeret* brukast som fakturanummer, og *ressursnummer* skal fyllast ut i feltet kjøpars referanse.

Link til fakturaportal <https://bsp.basware.com/SupplierPortal/login.aspx>

Link til brukarretteiing <http://www.hordaland.no/PageFiles/54618/Brukarretteiing%20til%20fakturaportal.pdf>

Saksnummer: 2015/2774-112

Ressursnummer: 400016

Beløp: 10 000 kroner

Beløpet vil bli utbetalt når Hordaland fylkeskommune har mottatt og behandla EHF-faktura med korrekt merking med saksnummer og ressursnummer.

De har ansvar for å kontrollere at utbetalt beløp er korrekt. Eventuelt for mykje utbetalt tilskot skal betalast attende snarast.

Rapportering/rekneskap

Tilsegnsmottakar skal av eige tiltak varsle fylkeskommunen om vesentlege endringar i planane for tiltaket. Det er ein føresetnad at slike endringar vert godkjend av fylkeskommunen.

Sluttrapport med rekneskap sendast til Hordaland fylkeskommune, Kultur og idrettsavdelinga, seinast 6 månader frå tiltaket er gjennomført. Rapporten skal gje ein kortfatta skildring av:

- Når og kor tiltaket vart gjennomført og korleis dette vart gjort.
- Eventuelle avvik frå vilkåra med nærare grunngjeving.
- Eventuelle avvik frå søknadsgrunnlag (planar/budsjett) med grunngjeving
- Dersom rapport/rekneskap i samsvar med krava ikkje vert levert innan fristen vil det vere eit brot på vilkåra for tildelinga. At krava til rapportering og rekneskap er oppfylt vil også vere vesentleg med omsyn til vurderinga av eventuelle seinare søknader.

Det er viktig å merke rapporten med saksnummer 2015/11983.

Kontroll

Fylkeskommunen og fylkeskommunen sin revisor har til ei kvar tid rett til å kontrollere at midlane vert forvalta i samsvar med vilkåra i tilsegna.

Tilskotsmottakar pliktar på førespurnad å gje fylkeskommunen og fylkeskommunen sin revisor alle opplysningar/dokument som dei finn naudsynt for sin kontroll og elles medverke til gjennomføringa av denne.

Brot på vilkåra

Dersom tiltaket ikkje vert gjennomført skal midlane førast attende til fylkeskommunen. Dersom det ligg føre vesentlege brot på vilkåra kan vedtaket om tildeling verte gjort om heilt eller delvis. Midlane kan i så tilfelle krevjast ført attende heilt eller delvis.

Klage/partsinnsyn

Part eller andre med rettsleg klageinteresse kan klage på vedtaket innan ein frist på tre - 3 - veker. Fristen vert rekna frå den dagen de mottok melding om vedtaket. Den fylkeskommunale klagenemnda er klageinstans. Klaga må innehalde opplysningar om kva vedtak det vert klaga over, årsaka til at det vert

klaga og kva endringar ein meiner bør gjerast, og sendast til Hordaland fylkeskommune, Postboks 7900, 5020 Bergen eller hfk@hfk.no merka 2015/2774.

Vi gjer merksam på at de etter Forvaltningslova har rett til å gjere dykk kjend med dokumenta i saka med dei avgrensingane som følgjer av §§ 18 og 19.

Per Morten Ekerhovd
konst. fylkesdirektør kultur og idrett

Ronny B Skaar
seksjonsleiar/utviklingssjef

Sakshandsamarar: Tone Stedal Haugland, Marianne Ose Askvik

Brevet er godkjent elektronisk og har derfor inga underskrift.